

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1052

原始資料: 蕭鎮國大德提供, 北美某大德提供

No. 1052

讚觀世音菩薩頌

唐天后代佛授記寺翻經沙門慧智奉 制譯

菩薩號為觀世音	神通無礙難可量
搖山竭海震大地	悲愍眾生同一體
記憶名號福不虛	是故常應稱念彼
我今至誠念彼德	以是敬心而讚歎
菩薩智慧深如海	方便善權無能測
所有諸天阿脩羅	摩睺羅伽及人眾
咸以微妙清淨偈	歷劫讚之無懈倦
我今宣說春陽頌	述其功德之少分
世間形色尊嚴者	諸天莫踰於梵王
況聖自在本色身	百千萬分不及一
尊者首飾甚嚴好	冠以曼陀及金花
虹蜺美麗以莊嚴	復如半月映山王
又似百寶成須彌	尊者身相甚微妙
猶如輕雨籠寶岳	伊尼鹿彩覆其肩
光明晃朗普周遍	巍巍挺特若金山
亦如滿月處虛空	又似蒼波迦花色
勝彼摩醯首羅身	徒以白龍為瓔珞
右手執持金蓮花	毘琉璃寶以為莖
以慈開敷極香潔	令諸智者生愛樂
尊手所持勝淨花	莊嚴殊妙甚暉麗
如月光曜須彌頂	聖身所處蓮花臺
由尊福德之所感	我以至誠愍重心
歸命敬禮賜願者	諸天供養所讚歎
我今淨心歸命禮	尊者螺髻玄蜂色
牟尼妙像處其中	光明映曜嚴尊首
如燒珊瑚流電色	又如雌黃耀黑山
上下莊嚴大聖身	冒敢為文稱歎彼

四面狂象利牙齒
其人專心念菩薩
暴龍哮吼放烟毒
將噬其人甚可怖
海潮風浪出音聲
若人船破誤落中
高山嶮谷懸巖裏
若人墮中無救護
烈火猛焰惡風起
至心念彼功德藏
若人繫縛在牢獄
至心稱念觀音故
若人墮落大火坑
其人除熱得清淨
若人經於大林中
霹靂將燒極危殆
若人逢值猛師子
瞋目吼喚來食人
惡賊突厥彌戾車
復以鐵鎖繫縛人
深山大澤險難處
稱名念力願救護
呪咀讒訟擬中傷
由彼常念觀音故
鬪戰旗鼓兩相當
此時心念及稱名
大力惡鬼執捉人
若能繫念觀音者
鬼病熱病腹脹病
癩病癩病霍亂病
諸惡黑業纏其身
有諸餓鬼腹如山
菩薩見之生慈悲
餓鬼或遭寒凍逼

若人居中將被害
捨離苦惱而無畏
嗔噪瞋怒厲惡色
憶念觀音便解脫
摩竭巨魚皆震激
念彼觀音獲安隱
奔流濺石眾難處
心念觀音登彼岸
延燒屋宅焚及人
應時災火不為害
身嬰枷鎖及杻械
其人須臾便解脫
專志稱名觀世音
猶若池中華開敷
忽遇雷電驟風雨
稱念觀音免災難
牙爪銛利如刀劍
稱念觀音便免害
兇險無慈若羅剎
稱名發念皆解脫
劫賊伺人將抄奪
其人釋然無患苦
恒以惡心求方便
其人竟不能為害
鋒鏑交橫競殘刃
菩薩於中施無畏
鳩槃荼等飲人髓
擁護其人銷疫難
疖病黃病心痛病
血氣羸瘦種種病
稱名繫念皆除愈
脣口乾焦飢渴惱
次第令其得充足
身體皮肉皆破壞

舉彼兩手生極苦
神通方便令熅適
若金翅鳥以嘴爪
搏撮水陸諸龍等
其龍專心念菩薩
即得離苦獲安樂
若有欲求勝果報
象馬車乘及奴婢
衣服飲食諸珍寶
由彼常念觀音故
應其求願自然至
若有欲得長生術
坐臥雲間恣空行
由彼常念觀音故
當獲神呪及仙藥
我見壁畫觀音像
遍視色相諸功德
及見神通大自在
故起至誠而讚歎
所有一切諸功德
於菩薩中最第一
無邊善巧大方便
示現清淨妙色身
遠離有無諸分別
利益無量如虛空
以此讚歎功德藏
願證如來一切智

以此讚歎觀世音菩薩功德上資。

國主聖神皇帝陛下善轉金輪。色力壽命永無窮盡。智慧果報不可思議。恒御閻浮長居震旦。擁護三寶利益群生。一切含靈皆蒙聖福。

讚觀世音菩薩頌